



Siverth K. Heilmann

**24. April 2019
UPA 172-1**

Nunatsinni plastikkinik atuinerup annikillisarnissaa anguniarlugu Naalakkersuisut kingusinnerpaamik UPA 2020-mi suliniutissanik iliuusissatut pilersaarusiamik saqqummiissinissaannut peqquneqarnissaanik Inatsisartut aalajangiiffigisassaattut siunnersuut. Suliniutissatut pilersaarutit anguniagassartai tigussaasuussapput iliuusissanillu ilaqartinneqassallutik. Pingaarnertut suliniutissatut anguniagassat EU-mi plastikkinik atuinerup annikillisaaviginissaanut pimoorussamik suliniutaannut appasinnerussanngillat.
(Inatsisartuni ilaasortaq Mimi Karlsen, Inuit Ataqatigiit)

Aallaqqaammut Atassut-miit qutsavigissavarput, Inatsisartuni ilaasortaq Mimi Karlsen-ip Inuit Ataqatigiit Nunatsinni plastikkinik atuinerup annikillisarneqarnissaanik anguniagaqarnissamik siunertaqarluni aalajangiiffigisassatut siunnersuuteqarneranut, imatullu Atassut-miit oqaaseqarfigissavarput.

Atassut-ip pinngortitaq avatangiisitalu mianerilluinnarneqarnissaannik pingaartitarilluinnagaraa. Asimi piliniarfiusartuni eqaloqarfiit il il mianerilluinnarneqarnissaanik siulitsinniik ilikkarsimasagut qujanaqisumik amerlasuunik malinneqarput. Ajoraluartumilli aamma piffiit ilaanni, aaffarniuppat eqaloqarfinniuppallu paarsilluannngitsunik inoqarpoq, kommuune-miit saliisitsisariaqartarnivut.

Illoqarfigisami nunaqarfigisanilu eqqagassarpasuit mingutsitsinerillu annertusiartuinnarfiini, aningaasarliornerulluunniit nalaani ikuallaavittaarnissamut katersisimanigut inatsisartuniik akileeqateqatigiilluni anguniagaqarneq oqaluinnarani piviusunngortitsineq partiilersuunnagu angusaavoq pitsassuaq.

Ikuallaavinnili ikuallatsinneqarsinnaanngitsunik soorlu saviminikorpasuarunik amerliartuinnartunik il il ajornartorsiuteqarnigut, kommuunet kattuffeqarnitta nalaanili, eqqagassarpasuit sinerissamiit qallunaatt nunaannut assartorneqarsinnaaneri eqqartuisaqaagut piviusunngortitsisoqassanilu.

Kommuune-mi sulisut, inuillu ataasiakkaat suleqatigiilluarnerisigut, saviminikorsuit containerinut immiussuullugit, qallunaat nunaannut atoqqitassatut aatsinneqarnerini aningaasat isertinneqartut, meeqqat pinnguartarfiinut allanulluunniit atuisinnaasarsimanigut maligassiuineruvoq pitsaasoq.



Atassut-miit arajutsisimangilarput borgmester-it Naalackersullu suliaqartut, siunnersuuteqartup inatsisartunut qaqinneqartup plastikkimik atuineq annikillisinniarlugu plastikkimillu atueqqittarnerup siuarsarniarneqarnissaa.

Inatsisartut 2018-ip ukiaani avatangiisinut aningaasaateqarfimmik pilersitsinissamik 2019-imut siunnerfeqarneq Atassut-miit qujarunnaqaaq. Innuttaasut suliffeqarfiillu avatangiisinut mianerisariaqakkatsinnut atoqqiisinnaanermullu siursaataasinnaasunut suliniutit iluatsilluarnissaat Naalackersuisut suliniutigiumallugu misissuilluarumanerat iluarisimaarnaqaaq.

Atassut-miit arajutsisimangilarput, plastikkinik eqqaanerujussuatta kingunerisaanik, nunarsuarmi piniakkat imarmiunut annertuumik ajornartorsiortitsisugut, kiisalu illoqarfinni mikinerusuni nunaqarfippassuarnilu annanik imaarsisarnerup aammalu igitassarpassuit plastikkinik aallaaveqartut anorimik teqqarlutik imartatsinnut saavittuarneri anigorniarlugit suliniuteqarnermi, qujanartumik inoqarpoq mingutsitsinerup atoqqiisinnaanerullu annikillisarnissaanik anguniagaqartunik.

Taamaattumik Atassut-miit kommuune-ni inatsisartunilumi inuit suliffeqarfiilluunniit mingutsitsinerup annikinnerpaaffissaminiitinneqarnissaanik suleqatigilluarneqarnissaat aammalu misiligummik (pilotprojekt-imik) sapiiserusuttut politikikkut tapersorneqassasut. Nunani allani issittumi najugaqartuni, pitsassuarmik ineriartortitsisimaneq ilinniarfiusinnaasut matumani tappiilliorfiginaveersaartigit.

Taamatut oqaaseqarluta, siunnersuuteqartoq Naalackersuisullu saqqummiinerat Atassut-miit tamakkiisumik taperserlugu, ataatsimiititaliami peqqissaarullugu suliap aappassaaneerneckartigani sularineqassasoq akuersaarluta inassutigaarput.

Qujanaq.